



Na osnovu člana 69. Statuta Općine Centar – prečišćeni tekst („Službene novine Kantona Sarajevo“, broj 23/4) i člana 3. Odluke o načinu odabira projekata nevladinih organizacija po LOD metodologiji („Službene novine Kantona Sarajevo“, br: 10/18), Općinski načelnik raspisuje:

**JAVNI POZIV ORGANIZACIJAMA CIVILNOG DRUŠTVA/NEVLADINIM
ORGANIZACIJAMA
ZA PREDAJU PRIJEDLOGA PROJEKATA KOJI ĆE BITI FINANSIRANI IZ BUDŽETA
OPĆINE CENTAR SARAJEVO U 2024. GODINI**

Općina Centar Sarajevo poziva sve organizacije civilnog društva (OCD)/nevladine organizacije (NVO) iz Bosne i Hercegovine da dostave prijedloge projekata koji su u skladu sa razvojnim ciljevima Općine Centar Sarajevo iz sljedećih prioriternih oblasti:

NEFORMALNO OBRAZOVANJE

- 1.1. Edukacija roditelja i djece osnovnih škola o prevenciji virtualnog- cyber nasilja;
- 1.2. Prevencija ovisnosti kod djece i mladih školskog uzrasta (kocka, nargila, video igrice, virtualna ovisnost);
- 1.3. Osiguravanje stručne pomoći i podrške djeci i mladima u riziku od neželjenog ponašanja, kao i unapređenje mentalnog zdravlja djece i mladih;
- 1.4. Podsticanje intelektualnih i drugih sposobnosti u skladu sa individualnim potrebama i interesovanjima djece i mladih;
- 1.5. Projekti usmjereni podršci nadarenim učenicima;
- 1.6. Projekti koji uključuju osnaživanje mladih za aktivnosti vršnjačkog podučavanja ili solidarnosti prema mladima koji nemaju jednake uslove za lični razvoj (razvoj volonterizma u oblasti neformalnog obrazovanja);
- 1.7. Edukacija iz oblasti savremenih tehnologija;
- 1.8. Projekti usmjereni podršci ranom obrazovanju, uključujući programe za predškolsku djecu i rane školske godine, a s ciljem sticanja osnovnih vještina i priprema za dalje obrazovanje;
- 1.9. Podrška projektima poboljšanja inkluzivnog predškolskog obrazovanja djece sa teškoćama u razvoju i važnost rane intervencije;
- 1.10. Intervencija- podrška roditeljima i nastavnicima djece sa invalidnosti/poteškoćama u razvoju;
- 1.11. Informisanje/educiranje roditelja djece romske nacionalnosti o obavezi i potrebi uključivanja djece u predškolski/školski odgoj i obrazovanje.

MLADI

- 2.1. Unapređenje zdravih stilova života i aktivnosti za kvalitetno provođenje slobodnog vremena;
 - 2.2. Podrška projektima koji podstiču omladinski aktivizam i odgovaraju na potrebe mladih, nudeći nove i inovativne sadržaje za mlade;
 - 2.3. Projekti koji uključuju osnaživanje mladih za aktivnosti vršnjačkog podučavanja ili solidarnosti prema mladima koji nemaju jednake uslove za lični razvoj (razvoj volonterizma, društveno korisnog rada, timskog rada i značaja socijalne inkluzije);
 - 2.4. Razvoj i jačanje sposobnosti izražavanja govorom, pokretom, likovnim i muzičkim izrazima;
-

KULTURA

- 3.1. Afirmacija i promocija moderne umjetnosti;
- 3.2. Promocija kulturnog stvaralaštva nacionalnih manjina u BiH;
- 3.3. Promocija kulture, kreativnog i umjetničkog stvaralaštva na području općine Centar Sarajevo;
- 3.4. Međugeneracijska saradnja kroz raznolikost kulturnog sadržaja;
- 3.5. Projekti koji afirmišu i promovišu modernu umjetnost;

ZAŠTITA OKOLIŠA

- 4.1. Zaštita životne okoline i podizanje ekološke svijesti kroz edukaciju i aktivizam;
- 4.2. Uključivanje djece i mladih u aktivnosti zaštite okoliša i sadnje gradskog zelenila;
- 4.3. Upravljanje otpadom,- projekti koji promovišu smanjenje otpada, reciklažu ponovnu upotrebu i tretman otpada kako bi se smanjili negativni utjecaji na životnu sredinu;
- 4.4. Projekti koji promovišu zaštitu životinja i edukuju stanovništvo o humanom zbrinjavanju, udomljavanju i rješavanju problema napuštenih životinja.

SPORT

- 5.1. Afirmacija novih sportskih disciplina i organizovanje takmičenja (za sportske discipline koje se ne realizuju putem JU Centar za sport i rekreaciju);
- 5.2. Sportske aktivnosti za djecu predškolskog uzrasta;
- 5.3. Projekti koji afirmišu amaterski sport sa akcentom na osobe iz socijalno-isključenih kategorija stanovništva;
- 5.4. Sportske aktivnosti građana svih dobnih skupina;
- 5.5. Sportske aktivnosti namjenjene osobama sa poteškoćama u razvoju i invaliditetom;
- 5.6. Promocija tradicionalnog sporta;
- 5.7. Projekti u prevenciji i rehabilitaciji za osobe sa PTSP-om kroz sportske aktivnosti;
- 5.8. Promocija olimpijskih vrijednosti.

Iznosi sredstava za odobrene projekte će biti od 5.000 KM do 15.000 KM. Općina Centar Sarajevo zadržava pravo da ne dodijeli sva raspoloživa finansijska sredstva u slučaju da projektni prijedlozi ne zadovoljavaju zadane kriterije.

Trajanje svakog projekta ne može biti kraće od tri mjeseca niti duže od šest mjeseci, a izabrani projekti trebaju da se provedu do kraja januara 2025. godine.

Potpisivanje ugovora sa odabranim aplikantima očekuje se u toku mjeseca juna 2024. godine, te će aplikanti u skladu sa tim i planirati početak realizacije svojih projekata.

Neće se finansirati aktivnosti odobrenog projekta koje su provedene prije zaključivanja ugovora. Projekti moraju biti implementirani isključivo na području Općine Centar Sarajevo, osim aktivnosti za koje ne postoje pretpostavke (uslovi) da se odvijaju na teritoriji Općine, a čija su ciljna grupa građani Općine Centar Sarajevo.

PRAVO UČEŠĆA:

Učešće u ovom javnom pozivu je otvoreno, na jednakim osnovama, za sve formalno registrovane OCD i NVO (udruženje/udrugica ili fondacija), u skladu sa važećim zakonskim propisima u Bosni i Hercegovini, u čijim organima upravljanja nisu zastupljeni uposlenici Općine Centar Sarajevo, zatim vijećnici i članovi radnih tijela Općinskog vijeća Centar Sarajevo (član 12. Zakona o sukobu interesa u organima vlasti u Federaciji BiH, „Službene novine Federacije BiH“, broj 70/08.

Udruženja čiji predstavnici učestvuju u proceduri provođenja Javnog poziva ne mogu podnijeti prijavu na isti.

Prilikom odabira projekata prednost imaju oni projekti čije aktivnosti nisu slične aktivnostima koje Općina Centar Sarajevo već finansira putem svojih javnih ustanova i centara kao ni oni čije aktivnosti su podržane gratnom Budžeta Općine Centar Sarajevo u 2024. godini.

Ovim javnim pozivom neće se finansirati projekti udruženja koja nisu opravdala već dodjeljena sredstva iz Budžeta Općine Centar Sarajevo.

Sve zainteresovane organizacije civilnog društva detaljne informacije o uslovima za apliciranje i kriterijima za finansiranje projekata mogu pronaći u *Smjernicama za aplikante u okviru javnog poziva*.

Aplikant može predati više od jednog projektnog prijedloga sa odvojenim prijavnim formularima i dokumentacijom za svakog od njih, a finansirat će se samo jedan uspješno ocijenjen i odbran projekat.

Pitanja u vezi sa javnim pozivom se mogu postaviti putem e-mail adrese nvo@centar.ba. Pitanja se mogu postavljati do **29.05.2024.** godine. Odgovori na upite će biti dostavljeni putem e-maila, unutar tri radna dana od primanja upita.

PREUZIMANJE DOKUMENTACIJE:

Sve potrebne informacije i elektronska verzija cijelog paketa prijavnice dokumentacije može se naći na web stranici Općine Centar Sarajevo [www.centar.ba/javni pozivi i konkursi](http://www.centar.ba/javni_pozivi_i_konkursi).

Obavezna dokumentacija treba da sadrži sljedeće dokumente:

- **Projektni prijedlog (word format Aneks 1)**
- **Pregled budžeta/proračuna (excel format - Aneks 2)**
- **Matrica logičkog okvira (word format - Aneks 3)**
- **Plan aktivnosti i promocije (word format - Aneks 4)**

Dodatna dokumentacija je vrlo važan dio projektne dokumentacije i treba biti kompletirana kako bi prijedlog projekta mogao biti evaluiran. Dodatna dokumentacija treba da sadrži sljedeće:

- ovjerena kopija važećeg rješenja o registraciji organizacije u BiH (za nosioca projekta/podnosioca i eventualne partnere na projektu),
- kopija statuta organizacije (podnosilac projekta i partneri),
- identifikacijski broj,
- uvjerenje o izmirenim poreskim obavezama (original ili ovjerena kopija poreske uprave),
- uvjerenje o izmirenim doprinosima za zaposlene, ako ima zaposlenih u organizaciji (ako nema zaposlenih priložiti izjavu da nema zaposlenih),
- popunjena forma Administrativni podaci o podnosiocu prijedloga projekta (word format - Aneks 5),
- popunjena Finansijska identifikaciona forma (word format - Aneks 6),
- popunjena i potpisana Izjava o podobnosti (word format - Aneks 7),
- kopija završnog godišnjeg finansijskog izvještaja za 2022. godinu (dokument bilans stanja i bilans uspjeha) koji je ovjeren od strane nadležne agencije za finansijsko poslovanje i licenciranog i ovlaštenog knjigovođe,
- opisni izvještaj o realizovanim projektima za prethodnu godinu za ranije osnovane organizacije, odnosno program rada za tekuću ili narednu godinu za novoosnovane organizacije,
- podaci o osobama koje realizuju projekat (kraći CV sa dokazima),
- za projekte koji se planiraju provoditi u obrazovnim institucijama, te u objektima koji su u vlasništvu Općine Centar, potrebno je priložiti saglasnost direktora istih. Ukoliko projekat bude odobren obavezno je dostaviti saglasnost/odobrenje nadležnog ministarstva za projekte koji se planiraju provoditi u obrazovnim institucijama,
- popunjena Lista za provjeru (word format - Aneks 8).

PREDAJA APLIKACIJA:

Ispunjenu aplikaciju i set obavezne dokumentacije potrebno je dostaviti **u jednom (1) štampanom primjerku, a kompletnu dokumentaciju (obaveznu i dodatnu) potrebno je dostaviti skeniranu i u elektronskoj formi (CD ili USB)** u zatvorenoj koverti preporučenom poštom ili na protokol Općine tokom radnih dana (ponedjeljak – petak), u periodu od 8 do 16 sati sa naznakom „ Za Javni poziv za projekte OCD-a“, na adresu:

Općina Centar Sarajevo
Ul. Mis Irbina 1
71 000 Sarajevo
Bosna i Hercegovina

Rok za predaju aplikacija je 28 dana od dana objavljivanja u sredstvima javnog informisanja i na web stranici Općine, odnosno **06.06.2024. godine do 16 sati**. Aplikacije dostavljene nakon navedenog roka će biti razmatrane jedino u slučaju da poštanski žig ukazuje na datum slanja prije zvaničnog isteka roka.

Vanjska strana koverta mora sadržavati naziv poziva za predaju prijedloga projekata, puno ime i adresu aplikanta, puni naziv projekta i navod **"Ne otvarati prije zvaničnog otvaranja"**.

O primljenoj pošiljci u Općini će se voditi uredna evidencija i izdavati potvrde o prijemu.

Projektne prijedloge razmotrit će i procijeniti Komisija za ocjenjivanje i odabir projekata. Svi aplikanti koji su predali prijedloge projekata, koji su prihvaćeni ili odbijeni, će biti obaviješteni u pisanoj formi o odluci u vezi sa njihovim prijedlogom projekta u roku od 30 dana od dana zatvaranja javnog poziva. Rezultati će biti objavljeni na web stranici Općine Centar Sarajevo (www.centar.ba).

Napomena: Strateški dokumenti se mogu pronaći na web stranici Općine Centar Sarajevo.

OPĆINSKI NAČELNIK

Srđan Mandić
